

عوامل الثبات بعد رمضان

أحمد سمير

بسم الله الحمد لله والصلوة والسلام على رسول الله وعلى الله وصحبه ومن والاه وشهاد ان لا الله الا الله وحده لا شريك له وشهاد ان محمدا عبده ورسوله اللهم صلي على محمد النبي وازواجه امهات المؤمنين وذريات اهل بيته. كما صلية على آل ابراهيم انك حميد

مجيد - 00:00:01

اما بعد الدرس النهاردة يعني مناسب للاحوال اللي احنا فيها هيبقى بعنوان زي ما شفتم على على القناة اه عوامل السبات بعد رمضان لكن خلونا قبل ما نبدأ ونتكلم عن عوامل السبات بعد رمضان - 00:00:15

عاوزين نحرر مفهوم الثبات. يعني احنا بنقول عوامل الثبات بعد رمضان. والكلمة دي بنسمعها كتير آآ لكن قد يكون بعضنا مشوش في زنهه شوية معنى الثبات. يعني هل المقصود لما نقرأ العنوان ده عوامل السبات بعد رمضان هل مقصود بالثبات ان نكون على نفس الحال اللي كنا عليها في رمضان - 00:00:29

وده يعني مفهوم الثبات في اللغة كده ان واحد سابت او شيء ثابت يعني ما اتحرکش من مكانه. هو زي ما هو فهل ده اللي احنا نقصده وهل ده اللي بينقدح في ذهنك او هل ده اللي انت عاوزه اصلا ان انت تكون على نفس الحالة - 00:00:53

اللي كنت عليها في رمضان وعلى نفس القدر من التبعيد اللي كنت عليه في رمضان وعلى نفس القدر من القرب من الله اللي كنت عليه في رمضان. وعلى نفس قدر عزوفك عن الدنيا كما كنت في رمضان. هو ده معنى الثبات - 00:01:10

عندك او ده المعنى اللي جه في دماغك لما قررت العنوان عوامل السبات. او كتير بنقرأ اصلا العنوان ده وكتير ناس بتتكلم عنه اه هل ده مفهوم السبات طيب لو ما كانش ده مفهوم السبات يبقى ايه مفهوم السبات - 00:01:23

والى اي حد تقدر تقول على عن نفسك ايوة انا سابت او لأنما مش سابت اذا كان ما هواش ده السبات فدي اسئلة محتاجة يت捷اوب عليها الاول. قبل ما نشواف ايه هي عوامل السبات. ايه هو السبات اصلا - 00:01:40

واضح يا جماعة ليه انا بقول ده يا جماعة لاني ناس كتير بتبقى فاهمة او فاكرة ان مقصودنا من السبات هو سبات حالتك كما كانت في رمضان طيب فيجي يقيس حاله بعد رمضان اثناء رمضان فيلاقي طبعا الفرق شاسع - 00:01:54

هيقول بس انا مش سابت ايا فيقط او ييأس طيب خلونا قبل ما ننط لحتة يخبط وييأس وتعمل له مشاكل عنده خلونا نبدأ بحديث حديث هيئور الدنيا شوية. علشان تفهم ان مش ده مفهوم السبات اللي نقصده - 00:02:16

وان اللي انت فيه ده شيء طبيعي اللي هو ايه اللي انت فيه؟ اللي هو ان تيجي فترة كده تلاقي نفسك الكيرف بتاع ايمانك والكيرف بتاع عبادتك والكيرف بتاع كل حاجة عالي جدا - 00:02:32

وبعدين يرجع ينزل شوية ده طبيعي ده يعني ده ما يزعلكش النبي عليه الصلاة والسلام في حديث مهم جدا في المسألة دي ودي ممكن تبقى قاعدة من قواعد السير الى الله ويمكن نفردها بقى بدرس بعد كده ونضمها لسلسلة قواعد سير الى الله. والقواعد دي يا جماعة مهمة جدا ان انت تسمعواها بعد رمضان - 00:02:45

عشر قواعد او عشر دروس احنا ادinyaهم. معظمهم مهم دلوقتي ان يتسمع آآ الحديث النبي صلى الله عليه وسلم يقول ان لكل عمل شرة وكل شرة فترة ثاني ان لكل عمل سرا. وكل شرة - 00:03:03

فترة فمن كان فطرته فمن كان فترته الى سنتي فقد اهتدى ومن كانت الى غير ذلك فقد هلك ايه معنى الحديث ان لكل عمل سرا. يعني ايه سرا يا جماعة؟ يعني قوة وانطلاق سرة. ده معنى كلمة شرة - 00:03:22

يبقى اي عمل بتعمله بيكون له شرة وبعدين وكل شرة فترة. فترة العكس بقى من كلمة فتور ان الدنيا ترجع تنزل تاني فاهمين دي؟
يبقى ان لكل عمل شرة وكل شرة - [00:03:46](#)

فترة طيب النبي عليه الصلاة والسلام فين نصيحته في الموضوع ده؟ فمن كانت فترته الى سنتي فقد اهتدى. ومن كانت الى غير ذلك فقد هلك طب ازاي الفترة النزول ده يكون الى السنة - [00:04:01](#)

خلي بالكم يا جماعة في رواية تانية للحديث فمن كانت شرته الى سنتي فقد اهتدى يبقى احنا عازين الشرة تكون الى السنة والفترة تكون الى السنة كذلك طب ازاي سنة النبي صلى الله عليه وسلم هي الاعتدال والقصد - [00:04:19](#)

هي التوسط والتوسط في كل شيء بحسبه. يعني الاعتدال والقصد والتوسط في رمضان كما كانت حال النبي المشرفة صلى الله عليه وسلم العشرين الاولانيين يخلط نوم بصلوة ادخل العشرة يشد يشد المأزر ويوقف اهله ويحيي ليه - [00:04:35](#)

يبقى دي السنة هنا يخلاص رمضان ارجع السنة الى التوسط بمفهوم اخر واضح يا جماعة يبقى فيه شرة وفيه فترة ومن كانت فترته الى سنتي فقد اهتم وسنة النبي التوسط والاعتدال. طيب - [00:04:53](#)

يبقى احنا فهمنا كده ان احنا في رمضان بنكون فيه شرة الشرة دي مش هتدوم وما تزعلش انها ما دامتش. ومش ده الثبات اللي احنا جابين نتكلم عنه النهاردة عشان نقول عوامل الثبات واحد اتنين ثلاثة. يعني خليك دايما في هذه الشرة. خليك دايما في - [00:05:11](#)

يعني زي ما بيقولوا لو حد بقى بيرسم كرفات وكده خليك دايما في البيت لأ والا ما كانش هبيقى فيه بيك كان هيفضل دايما الكرف طالع مش هبيقى فيه حاجة اسمها بيج بقى خلاص. يعني مش هيقلب - [00:05:26](#)

واضح يا جماعة طيب لأ ده هو فيه شرة وبعدين تيجي فترة وبعدين ترجع شرة وبعدين ترجع فترة ودي هتفضل حياتك على طول. هتفضل كده في ايه؟ في حاجة زي الامواج كده بيسموها الويف دي اللي هي الايه - [00:05:37](#)

هي دي حياتك فما تزعلش لما تلقي نفسك في فترة اعرف ان دي الايه الدورة الطبيعية لحياتك في رواية للحديث ده يا جماعة رواية مهمة جدا النبي قال ان لكل شيء شرا. الرواية الاولى ان لكل عمل شرا - [00:05:53](#)

الرواية الثانية ان لكل شيء شرة دي يا جماعة دورة طبيعية لكل شيء شرا ولكل شرة فترة. شرة وفترة شرة وفترة لكل شيئا زبي زي الحب وزي البغض وزي الغضب - [00:06:14](#)

كل الحاجات دي هتلaciها ايه؟ كده وقف كده موج بيحاب اوبي وترجع نفس الشخص اللي بتحبه قوي ده يرجع ايه الحب ينزل شوية فترة ويرجع يعمل مواقف تانية فترجع تحبه. شرة ويرجع يفتر فترة - [00:06:29](#)

الغضب كذلك ولذلك قالوا ايه ؟ احباب حبيبك هونا ما عسى ان يكون بغيضك يوما ما. وابغض بغيضك هونا ما عسى ان يكون حبيبك يوما ما فاعرفوا الطبيعة دي. دي طبيعة خلق الله عز وجل. سرة وفترة - [00:06:44](#)

طيب لو ما انتبهناش لده هيحصل ايه هتيأس وهرتعد عن العمل. ليه ؟ ما انت مستحيل هتبقى بعد رمضان زي رمضان. وتقول اه انا سمعت ان كان فيه درس بيتحوال عوامل الثبات بعد رمضان. فمعنى كده ان فيه ناس بتثبتت. ما هو انت - [00:07:04](#)

لو ما كنتتش حضرت الكلام ده وما عرفتش ايه السبات اللي نقصده بس قريت عنوان او حتى قريت مقالة على النت عوامل السبات والراجل اللي كتب او او الداعية او الواقع اللي - [00:07:20](#)

بالكلام ده. ما افهمكش قصده من فكرة الثبات هتيأس ما هو انت هتفهم ايه ؟ ان الشيخ ده بيقول عمرو السباتي معنى كده ان الشيخ ده سابت. على حالته اللي كان عليها في رمضان. والشيخ ده بيكلم ناس سابنته - [00:07:30](#)

وانا مش سابت انا ضايع صح ولا الحالة دي حصلت لصحابي تخيلوا بقى نفس الاشكال اللي عندك ده دلوقتي. حصل لصحابي اسمه حنظلة ابو بكر رضي الله عنه عدي لقى حنظلة ده قاعد بيعيط - [00:07:45](#)

ما لك بتعيط ليه ؟ قال له اسمع بقى يقول عند رسول الله صلى الله عليه وسلم. فيحدثنا الجنة والنار فكانها رأي العين بنكون عند النبي يكلمنا عن الجنة والنور عليه الصلاة والسلام كأننا شايفينها قدامنا - [00:08:03](#)

فازا خرجنا من عنده عافسنا الزوجات ولاعبنا الاولاد وعالجنا الضيغات نافق حنظلة ايهرأيكم؟ نفس الاحساس اللي عندك تكون في

- رمضان بقوم ليل وبصوم نهار وبختم المصحف يمكن في يومين ولا في ثلاثة وآآاً بتصدق ومنا اللي بيعتمر وبعيد عن المعاصي وآآاً

00:08:17

يخرج رمضان العبادة بتقل والقرب من الله بيقل. والاحوال الایمانية بتقل نافق امجد نافق فلان نفق علان نفس الكلام فابو بكر يقول للحنظلة والله اني لاجد ما تجد. ده انا كمان زيك. بنا الى رسول الله - 00:08:41

عليه الصلاة والسلام ويأتي بقى التوضيح النبوى للحالة دي اشكال حنظلة داخل بيعيط ايه في ايه؟ قال يا رسول الله نكون عندك عندك فتحديثنا الجنة والنار فكانها رأى العين. فإذا خرجنا - 00:09:00

عاففنا الزوجات وعالجنا الضيغات ولعبنا الاولاد. عافسنا يعني يا جماعة من الاخر كده من غير دخول في التفاصيل لان مش ده الحديث يعني مش يعني اهتمينا بالدنيا. يعني انشغلنا بدنيتنا الطبيعية اللي هي اي بنى ادم بينشغل بها - 00:09:16

فحنظلة سمى ذلك نفاقا فقال رسول الله صلى الله عليه وسلم بقى لو تدومون على ما تكونون عليه عندي لصافتكم الملائكة في الطرقات وعلى فروشكם ولكن ساعة ايه الساعة وساعة؟ شرا وفتره. شرة وفتره ساعة وساعة - 00:09:29

خلال؟ ومن حكمة الله عز وجل عشان الشرة دي ما هو انت على فكرة يا جماعة لو احنا فضلنا الفترة وبعدين الدنيا ماشية زي ما هي هتلاقى الفترة عمالة تزيد تزيد ويتمكن بقى ننزل خالص نغطس. فتلاقي - 00:09:49

ربنا في خلال العام وفي خلال الاسبوع كذلك يجيب لنا مواسم عشان الشرة دي تحصل فتلاقي ان حتى في الاسبوع تلاقي ان في صوم اتنين وخميس مسلا اه انا بسجل اللي بيسأل انا بسجل بس بسجل على يعني جهاز تاني وهينزل على اليوتوب ان شاء الله.

مش بسجل على على الزوم - 00:10:03

لكن هو ده ان شاء الله هيسجل وهينزل على اليوتوب بعد ما يخلص بازن الله آآآ نرجع تاني شرة وفتره ساعة شرة وفتره. اربطوا الاحداث بعض يا جماعة واربطوا الاحاديث بعض وكلام النبي عليه الصلاة والسلام بيربطوه بعض عشان نفهم - 00:10:28

طيب اه كنا بنقول ايه بقى اه انا عندي بس مشكلة كده لما بخرج عشان ارد على حد ممكن افضل وانسى الكلام اه اه فتلاقو في الاسبوع جزاكم الله خيرا. فتلاقو في الاسبوع اتنين وخميس صيام - 00:10:42

يحصل الشرة تاني تلاقو في صلاة الجمعة ويوم الجمعة فيه عبادات لو انت انتبهت لها هتلاقى الشرة بتحصل يعني هتلاقى صلاة الجمعة. التبشير لصلاة الجمعة والجلوس في المسجد من العصر للمغرب عشان تحصل ساعة الاجابة. فطبعا انت مش قاعد بتلعب آآآ كوتشنينة. ده انت قاعد في عبادة وذكر واعتكاف - 00:11:03

شرة واضح تلاقي في اثناء الشهر تلاقي الصيام تلتاشر اربعناشر خمستاشر شرة تلاقي في اسناء العام مواسم المواسم دي ولا النبي صلى الله عليه وسلم يرجع يقول لك ايه؟ الا ان الله في ايام دهركم لنفحات الا فتعرضوا لها. ليه تعرضوا لها؟ عشان تحصل الشرة - 00:11:23

وتستمر الدورة دورة حياتك شرة وفتره شرة وفتره طيب في الفترة دي بقى فمن كانت في الفترة فمن كانت فترته الى سنتي فقد اهتدى لفظ مجمل تحتاج توضيح يوضحوا لك عمر رضي الله عن عمر - 00:11:45

الملهم يقول عمر رضي الله عنه ان لهذه القلوب اقبالا وادبارا رکزوا يا جماعة في الكلام ده اوبي ان لهذه القلوب اقبالا وادبارا اقبالا شرا ادبارة فترة فإذا اقبلت فخذوها بالنوافل - 00:12:03

واذا ادبرت فالزموها الفرائض يا سلام كلام جميل هو كلام محكم بقى من عمر اقبالا وادبارا شرة وفتره اذا اقبلت في الشرة اكثر من النوافل. دس دس على قد ما تقدر - 00:12:23

طيب حصل الفترة اووى الفترة دي تصل الى انها تأخذ من من الفرائض شيئا ولما نقول الفرائض هنا يا جماعة يبقى نقصد اتيان الواجبات والانتهاء عن المحرمات ودي بقى اخر الفترة - 00:12:42

خلي بالكم اصل الفترة مش حاجة واحدة. لأنتم عارفين الكيرف مش النقطة فوق في سانية بتبقى في الارض لأ. هو الكيرف بينزل فبتلاقي نقطة في الكيرف وانت نازل كده او في المنحنى ده وانت نازل عليه. فيه نقطة انت بتتأتي الفرائض وكثير من النوافل -

النقطة اللي بعديها بتأتي الفرائض والنواقل بتقل. اللي بعديها النواقل بتقل. خلي اخر فترتك هي الفرائض ما ينفعش تنزل عن كده. اخر فترتك الحرام ما ينفعش تقتحم الحرام ولذلك ابن القيم بيوضح المعنى ده بصورة اوضح في مدارج السالكين. بيقول ايه بقى ابن القيم - 00:13:12

فتخلل الفترات للسالكين امر لابد منه. افهموا يا جماعة. افهموا النقطة دي. خلوا بالكم. احنا احنا الدرس ده ممكن ينتهي على كده ونقول ونقوم شكرنا ويبقى له آآ ممكن نخلي بقى جزء تاني ازاى نثبت - 00:13:32

لكن لو ما خرجناش غير بالمعنى ده كفاية عشان المعنى ده بيوقع ناس كتير والشيطان بيدخل لك من المعنى ده كتير ابن القيم يقول فتخللوا الفترات للسالكين امر لابد منه - 00:13:46

السالكين يقصد السالك الى الله. انت يا جماعة انت انت سالك الى الله انت وانت في طريق ربنا سبحانه وتعالى لازم تاخد بالك فيه واحد اهو حط جاب النقل وحطه لكم جزاكم الله خيرا. على الشات - 00:14:02

يقول فتخللوا الفترات للسالكين امر لابد منه فلما تلاقي نفسك في فترة ما تزعلش. ده امر لابد منه فمن كانت فترته الى مقاربة وتسديد ولم تخرجه من فرض ولم تدخله في محرم رجي له ان يعود خيرا مما كان - 00:14:15

يا سلام ده يا جماعة فهم العلما وده فهم عمر رضي الله عنه هقرأ تاني نقل ابن القيم. قال حاولوا بقى تقروه معى من الشات. فتخللوا الفترات للسالكين امر لابد منه - 00:14:36

فمن كانت فترته الى مقاربة وتسديد ولم تخرجه من فرض ولم تدخله في محرم رجي له ان يعود خيرا مما كان يعني ايه رؤيا له؟ يلا نرجع تاني. انت في الفترة اهو. خلي بالكم الشرة بتاعتك كانت مسلا البيك عند رقم عشرة مسلا - 00:14:49

لو تخيلنا ان في هنا ايه الاحاديث اللي هي بيسوها الايه؟ صاد بي او واي يعني. ماشي؟ والبيك عند رقم عشرة وبعدين بتنزل في الفترة بتاعتك اهو. لكن مم ما اقترنتش محرم وما وما سبتش فرض. خلاص؟ ايوا المحور الرأسي ده ايوة - 00:15:08

وانت نازل اهو الفترة بتاعتك فالبيك اللي تحت دي كانت نزلت من عشرة وصلت لخمسة وبعدين هترجع تاني في شرة مش هتلطع لعشرة هتلاقي نفسك عديت العشرة كمان توصل لاتناشر - 00:15:25

وبعدين تنزل وبعدين تعمل البيك الثانية دي وتنزل الفترة فهتوصل مش لخمسة بقى ممكن توصل لستة وهكذا هتفضل في الآخر لو بصيت بقى على الكيرف بتاعك من بعيد هتلاقيه الى سعود. صحيح هو عمال يطلع وينزل لو لو دخلت في التفاصيل - 00:15:37

هتلاقي فيه طلع ونزول لكن لو لو عملت زوم او اوت كده رجعت بضمهرك لورا كده وبصيت على الكيرف بتاعك هتلاقي ايه في سعود قادرین تستوعبوا دی انت في التفاصيل عمال تطلع وتنزل صحيح - 00:15:51

لكن في المجمل انت بادئ من نقطة وصلت عند مماتك الى نقطة كانت اعلى من دي واضحة دي هو ده اللي ابن القيم عاوز بيقوله آآ آخر جملة لابن القيم - 00:16:04

ولم تخرجه من فرض ولم تدخله في محرم رجي له ان يعود خيرا مما كان. ايه معنى خيرا مما كان؟ يعني هيفضل طالع الى الابد؟ لأه لأ هو هيطلع لكن هيوصل لرقم اتناشر - 00:16:15

وترجع يقلب الكيرف تاني. وهينزل مش هيوصل لخمسة اللي كان عليها لا يوصل لسبعة بس وبعدين يطلع تاني فيوصل لخمسة اناشر - 00:16:27

واضح؟ لو لو عملنا الزوم او اتنينا اتنينا عليه ده طيب اه على ابن موسى بيقول ان القلوب اقبالاً وابراراً ونشاطاً وفتوراً فاذا اقبلت ابصرت وفهمت. اذا انصرفت كلت وملت فخذوها عند اقبالها ونشاطها. واتركوها عند ابارها وفتورها - 00:16:45

المعنى اللي عاوزين نخرج منه هنا فخذوها عند اقبالها ونشاطها ايه المعنى اللي عاوز اقوله الزيادة عن اللي انا قلته الاقبال والنشاط

يا جماعة مش لازم يبقى في شهر مش لازم يبقى في يوم. ده ممكن في لحظة - 00:17:14

لأزاي يفهمني هفهمل عمرك جيت تمام لقيت نفسك عمال تفرك مش عارف تمام مش جاي لك نوم كتير كلنا كده ما فيش حد مش كده
اهي دي لحظة اقبال. اعتبرها كده يا أخي - 00:17:24

يعني أيه ؟ قوم اتوا وصللي ركعتين. خذوها عند اقبالها طالما فيك صحة مش عارف تمام بلاش. طب انا انا صحيح مش جاي لي
نوم بس مكسل اقوم اقعد اذكر ربنا في السرير - 00:17:39

خدتها على طول يعني ايه اغتنم اللحظات الثنائي الدقايق مش لازم يبقى عندي شهر اسمه شهر رمضان ولا لازم يبقى عندي يوم
اسمه يوم خميس عشان اصومه ولا لازم يبقى عندي ساعة اسمها ساعة اجابة - 00:17:53

العصر والمغرب يوم الجمعة. لأ ده انا عندي عشر سوانى لقيت نفسى فاضي وعندي اقبال فهحرك لسانى. استغفر هحرك لسانى اقول
ايتين. هفتح المصحف اقرأ نص صفحة. مش لازم اقعد نص ساعة عشان اخلاص جزء مش لازم - 00:18:05

فخذوها عند اقبالها ونشاطها فيبقى اغتنم السوانى كده تاني من الدقايق اغتنم اللحظة دي فاهمين يا جماعة ده اللي احنا عاززين
نقوله. طيب بسرعة بقى ننتقل عوامل الثبات. خلاص بقى احنا ده مفهوم السبات. عرفنا ايه مفهوم السبات خلاص ؟ مش تفضل في
حالتك اللي كنت عليها يعني انت اخر عشر ليالي دايس - 00:18:22

بنزين على الآخر ما بتناشم بالليل فانا هيخلص رمضان هبقى كده مش هيحصل مش هيحصل حنزلة ابو بكر نفسه. لما شاف حنظلة
قال له انا كمان زيك انا كمان زيك - 00:18:46

النبي نفسه يا جماعة عائشة بتقول عن النبي صلى الله عليه وسلم كان يخلط يعني العشرين الاولانيين بنوم وصلة يعني العشرين
الاولين في رمضان غير العشرة الاواخر عند النبي. عليه الصلاة والسلام. وهو الاثنين رمضان - 00:18:59

فانت مش ه تكون نفسك مش هيحصل طيب فهمنا ليه آآ ايه العوامل بقى ؟ اول عامل من عوامل الثبات انك انسى انك تثبت وتثبت
يعني ايه ؟ فهمنا يعني ايه تثبت انسى انك تسبت بحولك وقوتك. انسى انك تثبت بجد عنك - 00:19:11

انسى انك تثبت لوحدك اه لأ ما انا مش لوحدي ده انا هجيب بقى واحد صاحبى دي هنيجي لها بعددين بس مش ده اللي انا اقصده لن
تثبت الا بتثبيت الله لك - 00:19:30

تخيل ايه ده مفاجأة يا جماعة احنا كتير في المعمعة بننسى دي. بننسى ان ربنا اللي بيسبت طب لأ خد المفاجأة بقى اللي بجد النبي
عليه الصلاة والسلام لولا ربنا ما كانش سبت - 00:19:39

ده فين ده ؟ ده في القرآن ولو لا ان سبتناك لقد كدت تركا يا الله ربنا بيخاطب مين يخاطب النبي عليه الصلاة والسلام ولو لا ان ثبتناك
لقد كدت تركناوا اليهم شيئاً قليلاً - 00:19:56

من الذي سبته ؟ الله سبحانه وتعالى. فلتليأس انك تثبت الا بتثبيت الله عز وجل لك طيب آآ اذا يأس من ذلك اللهجة لسانك دائمًا
بسؤال الله عز وجل التثبيت. وده كان حال النبي عليه الصلاة والسلام - 00:20:16

الم يكن من دعائه صلى الله عليه وسلم يا مثبت القلوب ثبت قلبي على دينك يا مصرف القلوب صرف قلبي الى طاعتك عليه الصلاة
والسلام الم يكن صلى الله عليه وسلم يستعيذ بالله عز وجل من الحور بعد الكور ؟ عارفين ايه الحور والكور يا جماعة - 00:20:37

الكور ده كور العمامة. عارفين العمامة لما بتيجي تتلبس مش القرنصوة اللي انا لابسها دي لأن العمامة العممة بتاعة الصعايدة كده بتاعة
صعايدة او بتاعة الا زاهرة العمامة دي كانت بتتلبس ازاي ؟ بيلفوهها كده. اهي كل لفة اسمها كور دي اسمها اكور - 00:20:53

فانا كده بعمل ايه ؟ اكور العمامة خلاص لما اجي افكها ده الحور فكان النبي صلى الله عليه وسلم يستعيذ بالله من الحور بعد الكور.
يعني ايه يستعيذ من انه ينفرط امره بعد ان ايه ؟ اجتمع عليه الامر - 00:21:07

واضح او آآ من آآ شتات الامر بعد اجتماعه هكذا طيب فده كله دعاء النبي صلى الله عليه وسلم ده يدل على ايه ؟ انه فهم المعنى ده
ان ربنا سبحانه وتعالى هو اللي - 00:21:24

بيلم عليه امره هو اللي بيسبته على الطريق فكان يسأل الله عز وجل الثبات. ثبت قلبي على دينك. صرف قلبي الى طاعتك. اعوذ

بك من الحور بعد وكان من دعاء اهل الايمان - 00:21:35

وتبث اقدامنا والله عز وجل ذكره لنا في القرآن. وكان من دعائهم ربنا لا تزع قلوبنا بعد اذ هديتنا وكان لزاما عليك وجوبا. سبعة اشر مرة في اليوم والليلة تسأل ربنا - 00:21:47

الهداية اهدنا الصراط المستقيم وقف هنا شوية اهدنا الصراط المستقيم. طب ما ربنا هدينا ما احنا كلنا مسلمين يا جماعة. وهو ده الصراط المستقيم ايه معنى اهدنا الصراط المستقيم؟ فيها عدة معاني هاخد منها معنى واحد لأن اللي يعيننا هنا. اللي هو ايه بقى - 00:22:02

اهدنا الصراط المستقيم سؤال لدوم الهدایة والثبات على الهدایة هو ده معنى الثبات اللي احنا بنتكلم عليه سبعة اشر مرة في اليوم والليلة وجوبا. مرتين في صلاة الصبح. اربعة في الضهر واربعة في العصر. وتلاتة في المغرب واربعة في العشاء وجوبا. تسأل ربنا اهدا الصراط المستقيم في الفاتحة - 00:22:15

اما انك تقولها او او تقول امين خلف الامام فانت مسلا ربنا الهدایة. ايه معنى الهدایة هنا؟ عدة معاني منها دوام الهدایة الثبات على الهدایة مفهومة دي يا جماعة ليه ده كله؟ لأن من غيره - 00:22:36

انت ضابع والمعنى ده هيفضل زاهر لأهل الايمان لغاية ما يموتوا ويصحووا ويخشوا الجنة فيقولوا ايه وما كنا لهنادي لولا ان هدانا الله واضح هيروح فين ده في الجنّة واضح؟ طيب - 00:22:51

اه ولذلك برضو يا جماعة في دعاء الاستفتاح صلاة الليل. اللهم رب جبرائيل وميكائيل وميكائيل واسرافيل القاطرة السماد والارض عالم الغيب والشهادة انت تحكم بين عبادك فيما كانوا فيه يختلفون. اهدي لما اختلف من الحق باذنك - 00:23:13

هنا سؤال الهدایة لأن من غير ربنا مش هتهدى واضح؟ وهنا شوفوا هنا فيه برضو معنى جميل. رب جبرائيل وميكائيل وميكائيل واسرافيل. اشمعنى التلاتة دول اشمعنى التلاتة انباء دول آآ تلات ملائكة دول - 00:23:28

في سؤال الهدایة والتي يحصل بها حياة القلب ما هو الهدایة يحصل بها حياة القلب طب اشمعنى التلات ملائكة دول ؟ جبرائيل وميكائيل واسرافيل لأن التلاتة دول المسؤولين عن الحياة - 00:23:40

هم التلاتة دول فجبرائيل موكل بالوحول وبه حياة القلوب وميكائيل موكل بالقطر وبه حياة الابدان واسرافيل موكل بالنفح وبه الحياة الآخرى بداية احداث يوم القيمة تناسب ان تفتح بذكر هؤلاء الثلاثة. اللهم رب جبرائيل وميكائيل واسرافيل - 00:23:53

فاطر السماوات والارض عالم الغيب والشهادة. انت تحكم بين عبادك فيما كانوا فيه يختلفون. اهدي لما اختلف فيه من الحق باذنك. انك تهدي من تشاء الى صراط مستقيم. طيب. يبقى اول سبب - 00:24:22

من اسباب السبات الصدق ودوام اللجى الى الله. يبقى لو عاوز ورقة وقلم كده لو حد معه بقى ورقة ورقه وقلم ويكتب. يبقى اول حاجة بس رؤوس اقلام كده. صدق ودوام اللجى الى الله - 00:24:32

طيب ايه الجزء العملي؟ الجزء العملي انك تغتنم اوقات الاوقات الفاضلة في سؤال الله عز وجل الثبات يبقى وانت ساجد ساعة الاجابة صائم الستة من شوال عند الفطر اوقات الاجابة عند نزول المطر - 00:24:44

اوقات الاجابة آآ دوروا عليها بقى سيرش على اوقات الاجابة وعند اوقات الاجابة دي او الاقرب ان الدعاء يستجاب سلسل الله عز وجل الثبات وتكثر من الادعية اللي احنا بنقولها ربنا لا تزع قلوبنا بعد اذ هديتنا - 00:25:03

وتبث اقدامنا نعوذ بك من الحور بعد الكور. يا مسيبت القلوب ثبت قلوبنا على دينك. يا مصرف القلوب صرف قلوبنا الى طاعتك. وهكذا السبب الثاني من اسباب الثبات. القرآن يا جماعة. القرآن قراءة وحفظاً وتدبراً وفهمها وعملاً تعيش مع القرآن - 00:25:16

هو القرآن سبب للثبات؟ اه. مين اللي قال كده؟ ربنا سبحانه وتعالى قال الله عز وجل قل نزله رح القدس من ربك بالحق ليثبت الذين امنوا بقى القرآن يثبت ولما الكفار قالوا وقال الذين كفروا لولا نزل عليه القرآن جملة واحدة. يعني الكفار بيقتربوا. هو ليه قرآن - 00:25:34

ما نزلش جملة واحدة على النبي ما نزلش مرة واحدة كده على النبي عليه الصلاة والسلام. وقال الذين كفروا طبعا اللي بيكتب ج Zah
الله خيرا والله يا جماعة على الشات يساعد الناس يعني - 00:25:56

جزاكم الله خيرا وقال الذين كفروا لولا نزل عليه القرآن جملة واحدة طب ليه ربنا اختار انه ينزل القرآن منجم؟ يعني على يعني منجم يعني منجم يعني مش مرة واحدة يعني مقطع كده يعني آآ دلوقتي ينزل ايات بعد شوية ينزل ايات وهكذا - 00:26:08
كذلك لنثبت به فؤادك يبقى القرآن من حكم انه ما نزلش مرة واحدة. كذلك لنثبت به فؤادك. فالقرآن عامل قوي جدا من عوامل الثبات طيب يعني اعمل ايه؟ العملي بقى احنا دايما عاززين نخرج بحاجات عملية نعملها مش مش عمالين ننزر - 00:26:28
اول حاجة لو انت مش مشترك في حاجة بتحفظ فيها اشتراك واحفظ ومن آآ من آآ حسناً كورونا يعني او كوفيد اللي حصل ده الحاجات الاولنلين اللي اشتغلت كتير دي. وانت في بيتك - 00:26:47

تقدير تشتراك في مقرها اونلاين اشتراك واحفظ ولو قدر يسير ورد القرآن يومي. وانا انصحك انك ما تقلش عن الجزء جزء كتير لا مش كتير يا جماعة. الجزء ده يعني تمن تربيع. عارف حضرتك لو بعد كل صلاة حتى لو هتفوت الفجر يعني مش هتفوت الفجر الصلاة. لأنك هتفوت الفجر. لكن اقصد مش - 00:27:00

هتقرا مع الفجر القرآن هتقول فيها اذكار الصباح مسلا لكن مع صلاة الظهر هتقول رب العصر رب العين. وصلاة المغرب رب العين وصلاة العشاء رب العين. رب العين مش هياخدوا منك سبع دقائق - 00:27:20

انت متخيّل؟ سبعة في اربعة ما كملناش تلاتين دقيقة نص ساعة هتكون خلصت جزء في اليوم طب انا متعود اقرا جزء حاول تزود خلاص لكن ما تقلش عن الجزء ده يوميا - 00:27:31

بيقي ده القراءة. وانت بتقرأ حاول تقرأ دايما من مصحف يكون فيه معاني الكلمات على الاقل الكلمات الغريبة تبقى على الاقل فاهم انت بتقرأ ايه يعني مش قل اعوذ برب الفلق مش عارف يعني ايه فلق - 00:27:43
غاسق اذا وقب لن تعرف يعني ايه غاسق ولا وقب. ما انتاش عارف اصلا بتقرأ ايه هتعمل ازاي بقى؟ ده انت مش عارف انت بتقرى ايه اصلا على الاقل بس معاني الكلمات الغريبة تبقى عارفها. طب لأننا بقرأ من الموبايل وما عييش ما بلحقش خلي لك ولو عشر دقائق يوميا - 00:27:54

اقرأ في كتاب تفسير صغير زي تفسير السعدي مسلا او مختصر تفسير ابن كثير مسلا تفسير بسيط خلاص او آآ التفسير الميسر انا بقول اسماء عشان احنا عاززين نخرج بحاجات عملية نعملها - 00:28:12

هيبيقى القرآن عامل من عوامل السبات العامل السادس من عوامل السبات الصحبة الصالحة الصحبة الصالحة مهمة جدا يا جماعة ربنا سبحانه وتعالى بيقول واصبر نفسك مع الذين يدعون ربهم بالغداة والعشي يريدون وجهه. ولا تعد عيناك عنهم تزيد زينة الحياة الدنيا ولا تطبع من اغفلنا قلبك عن ذكرنا واتبعه. وكان امره فرطا - 00:28:28

والآيات دي تيجي بعد قصة اصحاب الكهف اللي هم لو كانوا ما خدوش بعضهم كده وطلعوا للكهف وقعدوا مع اللي شبههم في المدينة كان زمانهم فين دلوقتي فتيجي الاية واصبر نفسك مع الذين يدعون ربهم بالغداة والعشي ولو كانوا في كهف - 00:28:47
ولا تعد عيناك عنهم تزيد زينة الحياة الدنيا فتفضل في الزخرف الدنيا وفي ملذات الدنيا فتروح في داهية بيقي الصحبة الصالحة ليه بقى يا جماعة؟ لأن النبي صلى الله عليه وسلم ضرب مثل بالجليس الصالح والجليس وجليسسوء. ايه؟ حامل المسك ونافخ الكبير - 00:29:05

حامل المسك اما اما ان يحذيك واما ان تبتاع منه واما ان تجد منه ريحها طيبة. حامل المسك ده يا اما هيديك يهديك واما ان انت تشترى منه واما حتى لو ما ادلكش ولا اشتريت منه اهو يا عم شامم ريحه نضيفة - 00:29:24

بتسمع كلام ربنا بتسمع واحد بيقول لك اتق الله ما ينفعش اللي بتعمله ده وناسخ الكبير اما ان يحرق ثيابك واما ان تجد منه ريحها منتنة فانت عازز تكون مع مين - 00:29:37

ما تضحكش على نفسك الصحبة الصالحة والمرء على دين خليله وهذا كلام النبي عليه الصلاة والسلام. انت حاطط نفسك وسط يعني

انا اسف يعني بس وسط يعني مستنفع قاعد في بلاعة - 00:29:53

هتبقى ايه هتبقى ريحتك شكلها ايه الصحبة الصالحة. دور على صحبة صالحة تعينك على الطاعة. لما تلقيك بتعمل حاجة صح بيقول لك احسنت. جزاک الله خيرا. ويشدوا على على على ايدك. لما تلقيه بتعمل حاجة غلط ما يشجعكش. يا جماعة دي مصيبة. دي من اكبر المصائب. وربنا نص عليها في القرآن قال الله - 00:30:08

الله عز وجل وقيندا لهم قرناء فزينا لهم ما بين ايديهم وما خلفهم وحق عليهم القول هم دول صحبة النواصي لما يلاقوك بتعمل حاجة غلط يسفقو لك حتى لو تلقي الانبهار في عندهم - 00:30:27

فلان الشبح ابعد عن دول خالص الصحبة الصالحة تعينك واصحاب الكهف زي ما قلنا اهو صحبة صالحة طيب يبقى تصاحب الصالحين وتفر من غيرهم وده ياخدنا للسبب الرابع احنا بقى بنجري شوية معلش - 00:30:45

ياخدنا للسبب الرابع هو ايه؟ الفرار من صحبة السوق ومن مواطن الفتنة في الحديث يا جماعة النبي لما قال ان الصراط وعلى جنبيتي الصراط آآ ابواب وسطور مرخاة مش مش هنقول الحديث لكن - 00:31:04

في بقى الداعي على الصراط بيكول لا تفتحه يعني لا تفتح هذه الابواب فانك ان تفتح تلج اووعي تقول حتى هتخرج انت عارف ان المكان الفلاني مكان فيه معاشي. ولو رحت ما بعرفش امسك نفسى. ما تروحش. سر - 00:31:25

طب رايح مكان وما كنتش تعرف لقيت نفسك هتقع اجري اجري على فين؟ على الباب زي مين كده يوسف جابته ودعته اه الفرار من مواطن الفتنة قلنا لو رحت مكان - 00:31:38

لقيت المكان ده فيه فيه معصية فر سر الفيل سر للباب كده صوت كويس الصوت مسموع كده يا جماعة طيب تمام جزاكم الله خير سر الباب زي ما يوسف عمل - 00:32:08

لأ في معصية وخاف يقع في المعصية استبق الباب خلاص جري على الباب اه في الحديث وفيه المعنى ده. قال صلى الله عليه وسلم يوشك ان يكون خير مال المسلم غنم - 00:32:41

يتبع بها شغف الجبال وموقع القطر يفر بدينه من الفتنة وده يا جماعة معنى مهم عايزين نقف عليه. ان ليه دائميا يا جماعة ليه دائميا؟ اول ما بتيجي الدنيا قدام دين - 00:32:57

بنروح لدينا يعني احنا عاززين برضه ده اشكال كبير جدا يعني هنا النبي صلى الله عليه وسلم بيكول ايه؟ يوشك ان يكون خير مال المسلم غنم يتبع بها شغف الجبال وموقع القطر - 00:33:12

ويطلع كده بلاش اصحاب الكهف يا جماعة اصحاب الكهف دول كانوا ابناء ملوك كانوا امرا فمتخيلين حياتهم كانت عاملة ازاي ولذلك حتى لما هيصحوا بعد ما يناموا هيقول ايه فلينظر ايه ايه؟ ما كانوش بياكلوا اي اكل. اذكي طعاما - 00:33:25

يجب لنا احل اكل في السوق. ما هو ده اكلهم ده كان اكلهم اصلا مفهوم فكانوا ابناء ملوك كانوا امراء لكن اول ما اتحط ده قدام دين خلي بالكم دول مش سابوا المدينة اللي هم فيها وراحوا مدينة تانية - 00:33:44

لا لا لا دول راحوا كهف عارفين يعني ايه كهف سابوا القصور وراحوا كهف افر بدينك من الفتنة. المصيبة الكبيرة اللي احنا فيها بقى ان الفتنة ما بقتش مكان بنروحه - 00:34:01

لا يعني مش احنا اللي بنروح للفتن. ده الفتنة هي اللي بتيجي لنا دلوتنى. الفتنة في موبايلك يعني حضرتك ممكن تكون واقع في الفتنة وانت في الاوضة في اوپتك وانت في سيرتك - 00:34:22

الفتن بقت في الموبايلات اللي في ايدينا وده يعني احنا في في عصر يعني ما يعني الحقيقة غريب انا كان زمان واحنا صغيرين واحنا شباب كان ابوايا يقول لي ايه - 00:34:35

كان يبقى قلقان علي وده انا كنت لسة يعني قاعد مع والدي قريب وبحكي له يعني بقول له التحدى الكبير اللي بنقابلها حتى في تربية ولادنا دلوتنى كنت بقول له يا بابا انت انت كت زمان تبقى قلقان علي وانا في الشارع. يعني انت واقف مع مين؟ طب عاوز اشوف اصحابك دول شكلهم ايه - 00:34:48

انا النهاردة ابني قلقان عليه وهو قاعد قدامي وهو ماسك الموبايل انا انا مرعوب هو قاعد قدامي يعني الفرق بيني وبينه متر انا مرعوب ليه هو هو دماغه بتتحشى ايه دلوقتي؟ يا ترى دماغه وهو قاعد ماسك الموبايل بتتحشى الحاد -

00:35:04

ولا بتتحشى شهوات ولا افكار منحرفة انا مش عارف ده وهو بيني وبينه متر وهو بيني وبينه حيطة. انا في اوضة وهو في اوضة خلي بالك بقى مش ابني لأ ده انا بتكلم عن نفسي بقى انا ما هو انا مش بعيد عن الفتنة برضه. وانت مش بعيد عن الفتنة - 00:35:24

الموبايل اللي في ايديك ده فتنة الفيسبوك فتنة يعني قد تكون مش دايما فتنة لا اقصد هذا لكن يعني انظر له بهذا المنظور الفيسبوك ده لو لو بتفتح فتلاقي نفسك بتتسكرول بالساعات - 00:35:45

وبتضيع عمرك بلا شك دي فتنة خلي بالك ما بقولكش تعمل حاجة حرام انا باقول لك بقى بتسمع اغاني ولا بتقرأ الملحدين ولا بتتفرج على نساء متبرجات ولا ولا بتعمل حاجة حرام. انت بس بتتسكرول في المباح - 00:36:00

تضيع حياتك في مباح فتنة لانك عمرك هتسأل عنهم فدي فتنة يفر بيمنه من الفتن. اه يعني تفر من الفيسبوك مش لازم بقى زمان كان خطابنا زمان كان غير كده يعني خطابنا كان نقول ايه ما تروحش ما تروحش المكان الفلاني اللي فيه معاصي. لأن ده احنا النهاردة الخطاب بقى لازم يبقى كده - 00:36:16

ما تدخلش على الفيسبوك ازا انت بالمنزد ده. ازا بيضيع عمرك كده خلاص دي اكتفيشن وخلاص انسى الفيسبوك ده خالص وهكذا. يعني يعني ده منزور بقى الفتنة. واضح بيقى الفرار من الفتنة والفار من صديق السوء - 00:36:44

لان الصاحب زي ما احنا بنقول حتى في العامية المصرية الصاحب ساحب فلينظر احدكم من يخالل المرء على دين خليله وشوفوا يا جماعة المشهد ده المشهد ده رهيب مشهد لانسان ربنا سبحانه وتعالى - 00:37:04

من عليه في اللحظات الاخيرة كده زي ما بيقولوا فدخل الجنة فكان له صاحب كان خلاص شوية وهيسحبه معه في النار فلما يقدر كده ويستريح بقى في الجنة هيقول ايه؟ اني كان لي قرين - 00:37:20

يقول وانك من المصدقين انا كان لي واحد صاحبي عمال يسحبني لحة تانية خالص. وبعدين مش لاقيه. فين ده فيكلم اصحابه اللي في الجنة. هل انت مطلعون طب ما تيجوا نبص عليه. فاطلع - 00:37:37

رأه في سوء الجحيم قال تالله ان كدت لتردين ده انا خلاص كنت هسمع كلامك انت صاحبك شكله ايه صاحبتك شكلها ايه صاحبتك دي اللي لما لو فكري تاخدي قرار انك تلبسي حجاب لو مش محجبة او تختمري لو لابسة حجاب وعاوزة يعني تروحي لدرجة اعلى او تنتقيبي لو لابسة خمار او - 00:37:54

وحجاب وقلت هليس نقاب. صاحبتك اللي معك دى شكلها هتقول لك ايه وقتها ما هو الحياة قرار يا جماعة حياتنا دي عبارة عن شوية قرارات انت ماشي لقيت طريقين وهديناه النجدين - 00:38:21

هتمشي يمين ولا شمال قرار جيت تمسي يمين لقيت اللي بيشدك ناحية الشمال او العكس حياتك قراتك فصاحبتك اللي انت اخترتها دي شكلها ايه ؟ صاحبك اللي انت اخترتنه شكله ايه - 00:38:35

صاحبك ده اللي هو لما رمضان خلص وعيid الفطر فقال لك ده السينما منزلة الفيلم الفلاني والفلاني يلا شف هندخل ايه ولا صاحبك اللي اخترتنه اللي هيجي يقول لك ما يفعش بعد تلاتين ليلة عبادة - 00:38:50

ربنا يبص لنا ليلة العيد يلاقينا بنعصي ما ينفعش انهي صاحب اللي انت اخترتنه؟ صحبة الخير والفار من مواطن الفتنة السبب الخامس من اسباب الثبات بعد رمضان العلم يا جماعة - 00:39:07

الاستماع الى دروس العلم. وهنا هنقسم دروس العلم نوعين يا جماعة نوع دروس وعظية. يعني ايه وعظية؟ حاجة بتخاطب قلبك كده. اللي هو زي ما حنطلة قال كده تحذتنا الجنة والنار - 00:39:29

آخر مرة قعدت وشغلت درس بيتكلم عن الجنـة امتـى؟ آخر مـرة قـعدت وـشـغلـت درـس بيـتـكلـم عنـ النـار اـمـتـى عنـ الموـت عنـ الـآخرـة

امتى وامتى بتركيز؟ يعني دلوقتي يا جماعة انا دايما بقول ده ويمكن انا نسيت اقوله في اول الدرس المرة دي - 00:39:41

خلي لك مكان في بيتك دلوقتي حالا اهو لو انت قاعد مشغل الزوم في الخلفية وعمال تسكروه على فيسبوك ولا بتقرأ رسائل الواتسApp لو سمحت اقفل ده حالا وركز في الدرس حالا. مش عشان امجد اللي بيدي درس لـا. عشان انت ما تعرفش قلبك هيفتح لانهـي كلمة وانهـي كلمة ه تكون سبب في انقاذهـ من النار - 00:40:00

كلمة واحدة ممكن تغير حياتك الكلمة دي ممكن تكون فاتت عليك لانك كنت ساعتها بتشكرـوا لي على الفيسـبوك كنت ساعتها بتقرأ شـات على الواتـسـApp فـفـاتـ الكلـمةـ الليـ كانتـ سـبـبـ فيـ تحـولـ فيـ تحـولـ حـياتـكـ - 00:40:21

نرجع تاني بقـى اخرـ مرـةـ سـمعـتـ درـسـ وـدـيـ وـدـهـ تحـديـ عـلـىـ فـكـرـةـ منـ تحـديـاتـ الـاـوـنـلـاـيـنـ انـ التـرـكـيـزـ تـقـرـيـباـ بـيـنـذـلـ لـلـنـصـ عـنـ دـرـوـسـ المسـاجـدـ فيـ اـخـرـ مرـةـ حـضـرـتـكـ سـمعـتـ درـسـ بـيـتـكـ لـلـحـلـوـلـ حـيـثـ كـلـمـةـ اـمـتـىـ ؟ـ عـنـ الجـنـةـ عـنـ النـارـ - 00:40:39

وبـتـركـيـزـ درـوـسـ الـوعـظـ مـهـمـةـ جـداـ وـدـرـوـسـ الـعـلـمـ دـهـ الجـزـءـ التـانـيـ اـحـنـاـ قـلـنـاـ اوـلـ حاجـةـ درـوـسـ وـعـزـيـةـ تـخـاطـبـ قـلـبـكـ وـدـرـوـسـ ايـمـانـيـةـ علمـيـةـ تـزـودـ ايـمـانـكـ وـتـزـودـ مـعـرـفـتـكـ بـرـبـكـ. سـبـحـانـهـ وـتـعـالـىـ. الـاـتـنـيـنـ مـهـمـيـنـ جـداـ - 00:40:54

خلـاـصـ الدـرـوـسـ الـوعـظـيـةـ فيـنـ يـعـنـيـ فيـنـ هيـ انـ هيـ بـتـثـبـتـ وـفـيـنـ هيـ انـهاـ بـتـقـرـبـ حـدـيـسـ حـنـظـلـةـ يـحـدـثـنـاـ الجـنـةـ وـالـنـارـ فـكـأـنـهاـ رـأـيـ العـيـنـ فـبـنـزـهـدـ فـيـ الدـنـيـاـ وـعـاـوـزـيـنـ اـخـرـةـ وـخـلاـصـ دـنـيـةـ ايـهـ دـيـ اللـيـ مشـغـولـينـ بـهـاـ نـخـرـجـ مـنـ عـنـدـكـ يـحـصـلـ وـاحـدـ اـتـيـنـ تـلـاثـةـ - 00:41:12

طبـ الـعـلـمـ بـقـىـ طـاعـةـ اوـ الطـاعـةـ الـمـخـتـلـفـةـ الـلـيـ كـنـاـ بـنـعـمـلـهـاـ فـيـ رـمـضـانـ ايـهـ ؟ـ قـيـامـ اللـيلـ. مـشـ كـدـهـ - 00:41:28

شفـ كـدـهـ رـبـنـاـ سـبـحـانـهـ وـتـعـالـىـ لـمـاـ ذـكـرـ قـيـامـ اللـيلـ فـيـ الـقـرـآنـ لـمـاـ زـكـرـ قـيـامـ اللـيلـ فـيـ الـقـرـآنـ. قالـ ايـهـ ؟ـ اـمـنـ هوـ قـانـتـ اـنـاءـ اللـيلـ سـاجـداـ وـقـائـمـاـ. يـحـذـرـوـاـ الـاـخـرـةـ وـيـرـجـوـ رـحـمـةـ رـبـهـ. قـلـ هـلـ يـسـتـوـيـ الـذـيـنـ اـقـفـ هـنـاـ دـلـوـقـتـيـ - 00:41:42

لوـ اـنـاـ قـلـتـ لـكـ كـمـ الـاـيـةـ بـدـمـاغـكـ الـاـيـةـ بـتـتـكـلـمـ عنـ قـيـامـ اللـيلـ عـمـلـ اـهـوـ عـبـادـةـ قـلـ هـلـ يـسـتـوـيـ الـذـيـنـ يـعـبـدـونـ وـالـذـيـنـ لـاـ يـعـبـدـونـ ؟ـ قـلـ هـلـ يـسـتـوـيـ الـذـيـنـ يـعـمـلـونـ وـالـذـيـنـ لـاـ يـعـمـلـونـ ؟ـ صـحـ ؟ـ - 00:41:56

ربـنـاـ خـتـمـ الـاـيـةـ ايـهـ قـلـ هـلـ يـسـتـوـيـ الـذـيـنـ يـعـلـمـونـ وـالـذـيـنـ لـاـ يـعـلـمـونـ يـبـقـيـ السـبـاتـ عـلـىـ طـاعـةـ بـالـعـلـمـ السـبـاتـ عـنـدـ حلـوـلـ الـفـتـنـ بـالـعـلـمـ - 00:42:10

فـخـرـجـ عـلـىـ قـوـمـهـ فـيـ زـيـنـتـهـ. مـيـنـ دـهـ قـارـونـ وـخـرـجـ عـلـىـ قـوـمـهـ فـيـ زـيـنـتـهـ فـتـنـةـ مـحـمـدـ رـمـضـانـ فـتـنـةـ فـيـ زـيـنـتـهـ قـالـ الـذـيـنـ يـرـيدـونـ الـحـيـاةـ الـدـنـيـاـ شـفـ كـمـ مـلـيـونـ عـلـىـ صـفـحةـ وـاحـدـ زـيـ مـحـمـدـ رـمـضـانـ دـهـ - 00:42:33

وـلـلـاسـفـ تـدـخـلـ تـلـاقـيـ مـمـكـنـ تـلـاقـيـ نـاسـ سـمـتـهـمـ سـمـتـ نـاسـ مـتـدـيـنـةـ مـاـ هـيـ دـيـ الـفـتـنـةـ يـاـ جـمـاعـةـ. هـيـ دـيـ الـفـتـنـةـ فـخـرـجـ عـلـىـ قـوـمـهـ فـيـ زـيـنـتـهـ فـيـ عـرـبـيـتـهـ فـيـ فـلـوـسـهـ فـيـ قـصـرـهـ فـيـ طـيـارـتـهـ - 00:42:53

قالـ الـذـيـنـ مـيـنـ ؟ـ يـرـيدـونـ الـحـيـاةـ الـدـنـيـاـ يـاـ لـيـتـ لـنـاـ مـسـلـ مـاـ اوـتـيـ قـارـونـ. يـاـ رـيـتـنـيـ زـيـ مـحـمـدـ رـمـضـانـ اـهـ لـذـوـ حـظـ عـظـيمـ. مـيـنـ الـلـيـ سـبـتـ فيـ الـوقـتـ دـهـ وـقـالـ الـذـيـنـ - 00:43:11

اوـتـواـ الـعـلـمـ وـيـلـكـمـ ثـوابـ اللـهـ خـيـرـ يـبـقـيـ الـعـلـمـاءـ هـمـ الـعـبـادـ اـمـنـ هـوـ قـانـتـ اـنـاءـ اللـيلـ اـلـاـيـةـ يـقـولـ هـلـ يـسـتـوـيـ الـذـيـنـ يـعـلـمـونـ وـالـذـيـنـ لـاـ يـعـلـمـونـ الـعـلـمـ يـثـبـتـكـ يـعـنـيـ يـثـبـتـكـ فـيـ طـرـيقـ طـاعـةـ. وـالـعـلـمـ يـثـبـتـكـ عـنـدـ حلـوـلـ الـفـتـنـ - 00:43:28

وـقـالـ الـذـيـنـ اوـتـواـ الـعـلـمـ وـيـلـكـمـ ثـوابـ اللـهـ خـيـرـ يـبـقـيـ الـعـلـمـ الشـرـعـيـ يـاـ جـمـاعـةـ. الـمـوـاعـظـ درـوـسـ الـعـلـمـ درـوـسـ الـاعـتـقادـ درـوـسـ الـفـقـهـ درـوـسـ الـعـلـمـ الشـرـعـيـ طـبـ السـبـبـ السـادـسـ منـ اـسـبـابـ السـبـاتـ بـعـدـ رـمـضـانـ - 00:43:52

وـفـهـمـنـاـ يـعـنـيـ ايـهـ السـبـاتـ ؟ـ السـبـاتـ الـمـقـصـودـ يـعـنـيـ مـطـالـعـةـ سـيرـ الصـالـحـينـ خـلـيـنـيـ اـزـوـدـ لـكـ اـدـمـانـ مـطـالـعـةـ سـيرـ الصـالـحـينـ الـادـمـانـ خـلـيـ دـايـماـ كـدـهـ عـنـدـكـ وـرـدـ زـيـ ماـ فـيـهـ وـرـدـ قـرـآنـ فـيـهـ وـرـدـ تـقـرـاـ فـيـ سـيرـ السـلـفـ - 00:44:15

وـكـانـ عـبـادـتـهـمـ شـكـلـهـ اـيـهـ وـكـانـ اـقـبـالـهـمـ شـكـلـهـ اـيـهـ وـكـانـ اـقـبـالـهـمـ عـلـىـ الـاـخـرـةـ اـزـايـ وـعـزـوـفـهـمـ عـنـ الدـنـيـاـ اـزـايـ دـايـماـ وـاـنـاـ طـبـعـاـ دـايـماـ بـيـكونـ قـدـاميـ بـالـزـاتـ بـقـىـ فـيـ الـحـاجـاتـ الـاـوـنـلـاـيـنـ دـيـ الـمـسـتـوـيـاتـ مـخـتـلـفـةـ اـنـ دـايـماـ - 00:44:34

بـقـولـ الـاـقـلـ وـالـلـيـ اـكـبـرـ بـقـىـ هـوـ بـيـبـقـىـ عـارـفـ طـرـيقـهـ يـعـنـيـ فـطـبـ اـقـرـاـ ايـهـ ؟ـ اـنـ اـنـصـحـ بـكـتـابـينـ تـبـتـدـيـ بـهـمـ كـتـابـ بـسـيـطـ فـيـ السـيـرـةـ

النبوية عشان تعرف حياة النبي كانت شكلها ايه يا جماعة؟ عشان الدنيا اللي احنا عمالين نجري وراها دي وتشوف النبي كان بيربط على بطنه الحجرين وتشوف النبي كان بيان على الرمل وتشوف النبي كان بيلبس ازار ولا رداء - 00:44:50

تلacci نفسك ايه اللي انا فيه ده! دنية ايه اللي انا بفكري فيها دي فكتاب بسيط في السيرة ول يكن مثلًا هذا الحبيب لابو بكر الجزارى بسيط في السيروم وكتاب بسيط بتبي مسلا بقصص الصحابة ول يكن كتاب عبد الرحمن رأفت الباشا آآ صور من حياة الصحابة - 00:45:10

اشمعنى الكتاب ده بالزات؟ لان هو بيذكر بعض القصص باسلوب ادبى بيخاطب القلوب تدمن مطالعة سير الصالحين ومنها بقى خشن بقى على اي كتاب يعني ترتقي بعد كده وتقرأ بس ما تبطلش - 00:45:28

ما تبطلش تقرأ في سير الاولين طب هو ده يسبت؟ اه مين اللي قال كده؟ ربنا. قال كده لمين؟ للنبي عليه الصلاة والسلام. في ختام سورة هود ربنا يقول للنبي عليه الصلاة والسلام - 00:45:45

وكلا نقص عليك من انباء الرسل ها ما نسبت به فؤادك يبقى قصص الرسل وقصص الصحابة وقصص التابعين وقصص الصالحين يثبت الفؤاد نسبت الفؤاد وفي واحد اتحط على الشات اهو جزا الله خيرا - 00:45:58

نازل لكم لينكات للكتب الحقوا بقى نزلوها دلو قتي عشان ايه بانتهاء الزوم اظن مش هيكون لينك موجود يعني يبقى تدمن مطالعة سير الصالحين النبي عليه الصلاة والسلام طبعاً رأسهم الصحابة بعد كده وهكذا الى ان - 00:46:22

وتفضل كده دايماً. زي ما القرآن معك صاحبك في الدنيا الى ان تدخل القبر كذلك الصالحون هم دول اللي عايش وسطهم واضح بسرعة نراجع كده نلخص في خمس دقائق اللي قلناه - 00:46:39

اتكلمنا عن ست عوامل من عوامل الثبات بعد رمضان قبلهم اتكلمنا عن معنى وده اللي هننبدى به يعني في التلخيص. ايه معنى الثبات اصلًا؟ فاتكلمنا عن معنى الثبات وممش معناه - 00:46:54

انك تفضل على نفس الحالة في رمضان لا طيب وبعدين دخلنا على ست عوامل من عوامل السبات بعد رمضان كان اول عامل صدق ودوم اللجوء الى الله عز وجل وكان العامل الثاني القرآن حفظاً وقراءة وفهمها وتدبراً ومراجعة وعملاً - 00:47:06

السبب السادس كان الصحبة الصالحة السبب الرابع كان الفرار من مواطن الفتنة وكذلك من صحبة السوء الخامس كان العلم بشقيقه الدروس الوعظية والعلم الشرعي السادس والأخير كان مطالعة سير الصالحين وقلنا لأدمان مطالعة - 00:47:24

سير الصالحين آآ لو في اي سؤال آآ ممكن نجاوبه لو ما كانش فيه بقى يعني هنسيب دقيقة كده اللي عنده اي سؤال ولو ما فيش ننهي ان شاء الله الدرس - 00:47:42

آآ هو كتاب الرحيم المختوم لازم نسمع شرح ولا ممكن نقرأه لوحده. ممكن تقرأه لوحده لكن راحته المختوم انا ليه مش بنصح به لانه هو راجل المخطوط اصلاً بحس بحس واتعمل كتاب - 00:48:02

يعني انا دايماً بحب اللي بيتدي حاجة زي كده يقرأ شيء يمس القلب اكتر منه شيء بحسى يعني يعني بيتكلم عن احداث ووقائع بالترتيب بالاحdas بکده يعني آآ لكن ممكن يتنقل لوحده قطع وممكن يتقللى لوحده - 00:48:14

اه السيرة الرحيم المختوم کويس؟ اه کويس. واه وقلنا اه طيب خلاص آآ اه جزا الله خير واياك. يا رب امين احبك الله ضيعتنى فيه اه امتنى الواحد بيقرأ في التفسير - 00:48:34

ويوفق ما بين كل ده آآ احنا احنا ادينا بوقت يا جماعة. يعني اللي اللي سأل السؤال وغير اللي سأل السؤال شف انت بتقدعد قد ايه على الفيسبوك وانا وانا وانت يعني انا مش مش باشير الى احد يعني - 00:49:01

لا الشرطة بتوضع قد ايه على الفيسبوك. انا بقول لك الجزء هتقراه في نص ساعة في اليوم ولو وزعنهم على الصلوات فسبع دقائق مع كل صلاة. ادي القراءة. التفسير لو اديته من وقتكم عشر دقايق ربع ساعة بس في اليوم احنا مش عاوزين اكتر من كده. ففيه وقت فيه وقت - 00:49:13

وربنا سبحانه وتعالى يبارك في الوقت وده معنى تاني. يعني سل الله عز وجل البركة ماشي آآ طب ممكن حضرتك ترشح كتاب لسيرة

اسلوبيه بسيط ويمس القلب آآ قلنا آآ هذا الحبيب هذا الحبيب للشيخ ابو بكر الجزائري - 00:49:28

آآ لو حد خلص صور من حياة الصحابة يقرأ بعده ايه؟ هو هو احنا طبعا الدرس مش هدفه ان احنا نقدر نرتقي. آآ لكن ممكن صفة الصفوة لابن الجوزي. آآ ممكن تبدأ به - 00:49:44

وبعد آآ صور من حياة الصحابة ادخل على صفة الصفوة لابن الجوزي آآ يعني هيكون مناسب ان شاء الله اه كيف نتعامل مع الشباب آآ 00:49:54

اه انا انا بنصح وده اللي انا بعمله مع ولادي. طبعا انا ولادي مش كلهم على درجة واحدة يعني انا من ولادي اللي شايل منه التليفون تماما ما فيش حاجة اسمها سمارت فون خلاص - 00:50:08

آآ ومن ولادي اللي بنبتدى نقنق الاوقات. وفي كل الاحوال الرواتر بيتشال يعني انا ما ينفعش ادخل انا ووالراوتر في البيت ده ما يحصلش عندي في البيت ودي تجربة عملية انا انا شخصيا يعني اخوضها وانصحكم بها - 00:50:18

يعني الولاد مش كلهم على آآ درجة واحدة منهم اللي بيعرف ينضبط لقدر منهم لأ اللي بيقع كتير ويبقى فاهم ده اني بايديه فيه كده عشان ما يبقاش كارهك ولا كاره اخوه. او كاره اخته او هي كارهه اخوها او كارهه اختها - 00:50:31

يعني انت وانت اللي عملتي كده في نفسك لان احنا مرة في الثانية في الثالثة وبنكتشف مشاكل طيب دي اول حاجة الرواتر ما يتتسايش باي حال من الاحوال اه طالما الاب والام مش موجودين الاب والام برة البيت الرواتر مش موجود. يعني يعني الرواتر ده هو مع الاب والام. يعني هو الثالث بتاعهم. الاب داخل ينام الرواتر بيتشال الاب - 00:50:46

البيت هو والام والولاد في البيت في الرواتر مش في البيت. او يعني مخيبينه او كده. طيب. في برامج بتنزل كمان على التليفون بنقدر نعمل حاجتين ان احنا نبقى شايفين الطفل بيعمل ايه او الابن بيعمل ايه - 00:51:07

والكترونول يعني نتحكم كمان في اللي يعرف يدخل عليه واللي ما يعرفش في الاوقات اللي يدخل فيها والاوقات اللي ما يدخلش في في برامج بتعمل ده مش في دماغي اسماء دلوقتي لو حد في دماغه حاجة يحطها على الشات بيقى جزا الله خيرا - 00:51:24

آآ اظن ده طبعا وقبل كل ده الدعاء انك تدعى لابنك كتير سلسلة صور من حياة الصحابة موجودة صوتيں على اليوتيوب مش عارفها يعني مش عارف لمين آآ ممكن صور من حياة التابعين. ممكن مش بنفس قوته صور من حياة الصحابة طبعا. لكن ممكن - 00:51:37

صفة الصفوة لابن الجوزي جميل عبدالرحمن رأفت البasha هو عبدالرحمن رأفت البasha انا اقصد انا مش عارف انا قلت لمين يمكن انا اخطأت. هو ده اللي اقصده. صور من حياة الصحابة لعبدالرحمن رأفت البasha - 00:51:56

انا مش مش عارف قلت اسم خطأ او حاجة ده اللي اقصده آآ يعني كل حاجة من دول نديها وقت بسيط جدا من اليوم. بس الفكرة انا نعدي عليها يوميا تقريبا. احسنت. جميل كده - 00:52:08

آآ وتخلي لك صحبة تعينك يعني حتى لو خليته حاجة اونلاين على زوم آآ مع حد يا جماعة نقدر مع بعض ربع ساعة. فكرة ناجحة جدا مع اصحابك مش باقول لك تدور على شيخ - 00:52:20

اصحابك عاديين ثلاثة اربعة اصحاب هنقدر نقرأ مع بعض ربع ساعة. آآ من غير هزار. هنخش ربع ساعة. السلام عليكم وعليكم السلام ونخلص اه تطبيق فاميلى لينك فيه واحد بيقول فيه تطبيق اسمه فاميلى لينك ده كوييس جدا عشان نتابع نشاط الاولاد على على التليفون. اه فاميلى لينك ادخلوا بقى دوروا على الاب ستور ونزلوه - 00:52:30

آآ هم شباب ولا يستجيبوا للنصائح لا ما فيش حد ما يستجيبش للنصائح لكن كل سن بيحتاج طريقة معينة وكل شخصية بتحتاج طريقة معينة انما كل الناس بتستجيب للنصائح خلاص؟ آآ - 00:52:49

ممكن يا شيخنا المقصود بالثبات اللي حضرتك قلته تاني لأ ده كبير بقى يعني هننزل فيديو على اليوتيوب ان شاء الله فانت ممكن تشارك على قناة اليوتيوب واول ما الفيديو ينزل اسمعه من الاول - 00:53:02

آآ هنلاقا فيه. يا ريت تعيد فكرة قراءة كتاب ومناقشة يعني آآ نسأل الله الوقت بقى وي يعني آآ يعني ان شاء الله ان شاء الله موضوع درس الشباب ده انا مفتقدده فعلا فعلينا نرجع ان شاء الله - 00:53:12

اه قريبا آآ طيب وجزاكم الله خيرا السلام عليكم - 00:53:25